

**XUNTA DE GALICIA***Vicepresidente  
da Igualdade e do Benestar*

Anxo Quintana González

Sr. Don Manuel Taboada Vigo  
Alcalde de Pino (O)

Prezado alcalde:

Leo con desagrado e sorpresa en varios medios de comunicación as valoracións verquidas por ti ao respecto do convenio que tivemos a ben asinar o pasado día 29 de abril para a inclusión da escola infantil na rede de Galescolas. Independentemente de calificacións insultantes que a min non se me ocorrería en ningún caso utilizar contigo, decepcióname especialmente que nunca, nin antes, nin durante, nin despois da sinatura do convenio, me tiveses trasladado persoalmente semellantes valoracións cando, como sabes, tivemos ocasión de facelo. A lealdade e o sentido institucional débense demostrar tanto no fondo como na forma.

Sabes que sinto un profundo respecto por todos os alcaldes de Galiza e que o seu parecer e opinión resultan para min moi importantes. É a miña obriga intentar establecer novos modelos de relación institucional que superen as dependencias e tutelas do pasado, pero nada máis lonxe da miña vontade que facelo a desgusto e en contra da opinión dos alcaldes. Dous non pelexan si un non quere e dous non acordan si a algún lle desagrada.

É por isto que, á vista da túa valoración, considérote desvinculado do acordo asinado o pasado día 29, actitude a que en correspondencia eu me sumo para que, en virtude do previsto na lexislación vixente, o convenio de referencia quede sen efecto.

**XUNTA DE GALICIA**

*Vicepresidente  
da Igualdade e do Benestar*

Quero manifestarche igualmente que en materia de Servizos Sociais e Educación Infantil, das que este departamento é competente, é a miña intención continuar a relación institucional co concello que presides polo procedemento que ti mesmo propós: a publicación de ordes de subvencións anuais, a presentación de propostas polas entidades locais e a concesión de axudas con base aos créditos dispoñibles. Ao ser ordes de subvención regradas non che podo garantir cal será a transferencia anual a percibir polo teu concello, pero tes o meu compromiso de que darei instrucións para que o montante global das axudas a recibir dende este departamento, teñan como referencia o percibido polo teu concello para mantemento de programas de servizos sociais e educación infantil do ano 2005, máis as actualizacións de incremento de prezos dende entón.

Esperando poder compracer así os teus desexos de evitar a "asfixia económica", convídoche a porte en contacto coa Secretaría Xeral da Vicepresidencia da Xunta de Galicia, para a realización dos trámites administrativos aos que houbera lugar.

Sen máis, recibe un cordial saúdo,

Santiago de Compostela, 5 de maio de 2008